

չիւրքն յանձն առին հաստատել զբարեկամութիւն . և ըստ զօրաւոր մուրհակին տուելոյ 'ի մէնջ՝ այսուհետեւ Լատինաց տիրել գերեզմանատան այնմիկ . և եթէ սլատահեացի միջամտութիւն յօտարաց, դարձեալ բռնութիւն համարի . 1192 (1777) :

Ձայս գիր էր զոր ետուն Լատինք դրել դատաւորին 'ի Գուռն, յոր յայտնապէս նշմարին ստութիւնք Լատինաց, կուսակցութիւնք դատաւորաց եւ կուսակալին եւ վտանգիլն Հայոց, որպէս տեսաւ 'ի բանից սլատմութեանս թարգմանեալ 'ի դատաստանական գրոց :

Ահա այսու եղանակաւ բռնութեամբ յախշտակեցին Լատինք զմի մասն գերեզմանատան Հայոց, այլ թէ քանի գումարս քսակաց վատնեցին, չէ մեզ ասել : Եւ հուսկ ամենեցուն ետուն կոփել քարինս 7 քանդակեալ 'ի վերայ սրակ 'ի ծաղկանց իբրեւ յաղթանակ, և 'ի միջի նոցա գրեալ զթուական տարւոյն (1777), որ յայտ առնէ զժամանակ տիրապետութեան նոցին : Այսոքիկ քարինք կան մնան մինչեւ ցայսօր ժամանակի 'ի գերեզմանատան անդ :



Գ Լ Ո Ւ Խ Խ Ժ Գ .

Այլն քառանից : Ասննտական բանք : Կուիրակունք Յովակիմոյ և մահ նորին : Նկզութիւն դատաւորին վան թաղելոյ զմարմին նորա 'ի Ս . Փրկիչ :

Հ ԱՅՔ մինչդեռ զբաղեալ կային զդատատանաւ գերեզմանատան իւրեանց, Լատինք փութացին յարուցանել զայլ իմն վէճ եւս . քանզի 'ի սմին ժամանակի ձեռն արկեալ փոխեցին զգուռն Քառասնից Այրին, զոր Լատինք կախին այր կոչեն, արտաքոյ գիւղին Բեթղեհէմի . փակեցին զհին գուռն և բացին զայլ իմն նոր գուռ, եւ հաստատեցին զայն փականօք, և զարդարեցին զայրն կանթեղօք, սլատկերօք և այլ եկեղեցական սպասուք, և կամէին տիրել այնմ միայնակ . լուեալ դատաւորին Երուսաղէմի